

Repsol, Cepsa eta BPek ukatu dute prezioak igotzeko ados jarri direla

Petrolioaren prezioak gorantz jarraitu du, eta upeleko 20 dolarretik gora dago

Agentziak / Madril-Viena

Espanian lan egiten duten petrolio alorreko enpresa nagusiek —Repsol, Cepsa eta BP Oil-ek— ukatu egin dute erregaien prezioak igotzeko euren arteko adostasuna dagoela. Haien aurka zabaldu-tako ikerketa txostenen emaitzak jakin arte akusaziorik egin ez diezaitezen eskatu dute konpainia horiek.

PETROLIO alorreko enpresa horiek %70etik gorako merkatu kuota daukate. Haiekin batera, beste 30 bat enpresak dihardute Espainian petroliotik eratorritako erregaiak merkaturatzen.

Prezioen inguruan elkar hartuta ez daudela ziurtatu ostean, lehiari egotzi diote gasolinaren prezioen berdintasuna. «Merkatu libre batean lehia handia dago, eta horregatik prezioek berdintasunera jotzen dute leku askotan», azpimarratu dute.

Nolanahi ere, Lehiaren Defentsarako Zerbitzua hamaika txosten atzertzen ari da gasolinaren merkatuari buruz, beste hainbeste salaketaren ondorioz, eta beste lau txosten dagoeneko Lehiaren Auzitegira iritsi direla egiaztatu du Rodrigo Rato Madrilgo Gobernuako lehendakariorde eta Ekonomia ministroak.

Txosten horiek eragin dituen salaketa ugarietako bat UCE Espainiako Kontsumitzaileen Elkarteak uztailean aurkeztutakoa da. Elkarte



Cepsa, Repsol eta BPek lehiari egotzi diote gasolinaren prezioen berdintasuna.

horrek 37 gasolina zerbitzугune aztertu zituen Espainiako zazpi probintzian, eta euren prezioen arteko aldea oso txikia zela ondorioztatu.

«Konpainia handiek prezioak finkatzen dituzte, eta txikiak azkenean prezio horiek parekatu egiten dituzte», UCEn txostenaren arabera.

Beste salaketa bat CETM garraiolarien elkarteak egin dakoa da, azken hilabeteotan gasolioa jasaten ari den etengabeko garestitzea ikertzeko helburuarekin. Garraiolarien patronala ziur da petrolio konpainiek hitzartu egin dituztela prezio horiek, denak bateratsu garestitzeko.

Ofizialki, ordea, gasolina eta butanoa bezalako erregaien prezio igoera petrolioaren kotizazioari zor zaio, eta lehengai horren salneurriak azkenaldian izan duen gorakadari egotzen zaio erregaien garestitzea.

LPEEren jokabidea

Horretaz, Lurralde Petrolio Esportatzaileen Erakundeak (LPEE) atzo iragarri zuenez, petrolio gordinaren upelaren prezioak 20 dolarrak gainditu zituen atzo, eta 20,01 dolarrrera heldu zen.

Aztertzaileen ustez, petrolioaren prezioak azkenaldian

izan duen gorakadaren arrazoi nagusietako bat LPEEko kideek erabakitako ekoizpenaren murrizketa izan da, baita murrizketa horri eusteko erakutsitako diziplina ere.

Lurralde horiek (Saudi Arabia, Argelia, Arabiar Emirrerri Batuak, Indonesia, Iran, Irak, Kuwait, Libia, Nigeria, Qatar eta Venezuela) upeleko 21 dolarrrera igoarazi nahi dute petrolioaren prezioa eta hor geratzea.

Helburu horrekin, hamai-ka estatuak Vianan elkartuko dira datorren irailaren erdialdean, merkatuaren egoera aztertu eta ekoizpen kuotak egokitzeko.

laburrean

■ Cementos Lemonak iaz baino %86 gehiago irabazi du

CEMENTOS LEMONA euskal enpresak 971 milioi pezeta irabazi ditu aurtengo lehenengo sei hilabeteoan, iazko epealdi berean baino %86 gehiago. Zementu enpresaren fakturazioa 3.898 milioi pezetara iritsi da, 368.214 tona zementu eta *clinker* salduta. Cementos LEMONA 5.397 milioi pezetaren inbertsioak egiten ari da 1997-2000 urteetan. Inbertsio horien ondorioz, hilabete honetan bertan 16.000 tonako kapazitatea duen zementu silo bat jarriko du martxan.

■ TotalFinak hobetu egingo du Elf Aquitaine erosteko eskaintza


TOTALFINA Frantzia-Belgikako petrolio konpainia prest agertu da Elf Aquitaine erosteko eskaintza hobetzeko. Bi enpresek elkarri aurkeztu dizkiote erosteko eskaintzak, eta aldi berean biek errekurtsioak aurkeztu dituzte Auzitegietan besteen eskaintzaren aurka. Paris-ko Apelazio Auzitegiak atzera bota zuen atzo Elf-en errekurtsioa. Erabaki hori TotalFinaren garai- pen bat izan dela uste dute merkatuetan.

■ Alcanek ez du Reynolds erosiko

ALCAN aluminio alorreko Kanadako enpresak atzo iragarri zuenez, ez du EEBBetako alor bereko Reynolds konpainia erosteko eskaintzarik egingo. Jakina denez, alor honetako munduko enpresa nagusia, Alcoa, Reynolds erosi nahian dabil lidergo- ari eusteko. Alcanek, bestalde, Frantziako Pechiney eta Suitzako Algroup enprekin bat egin du.

■ Vespa motor enpresa EEBBetako talde baten eskuetara

VESPA motor ezagunak egiten dituen konpainia italiarra, Paggio, EEBBetako Texas Pacific Group izeneko fondoaren eskuetara igaroko da, talde honek 700 milioi dolarretan erosiko baitu (695 milioi euro). Talde honek Italiako Ducati motor enpresa ere kontrolatzen du. Piaggiok industri berregituraketa egin du, bi urtez dirua galdu ostean. Iaz, 1.430 langile kanporatu ostean, 995 milioi euro irabazi zituen.



MIKEL MARTINEZ

Protestaldia Banco Popularren.

CCOO, ELA eta LAB sindikatueta ordez- kari talde bat Banco Popular entitateak Bil- bon duen egoitza nagusiaren aurrean elkartu zen atzo, langile baten kaleratzea salatze- ko. Sindikatuak ziurtatu dutenez, langilea kale- ratzeko arrazoia haren senide batek egindako finantza operazioa izan zen. Bankuak, berriz, «lege trikimailuak era- bili ditu kaleratzea jus- tifikatzeko».